

50
45898
(12)
Q. D. B. V.

DE

FEBRE PETECHIALI

CONSENSU ET AUCTORITATE

GRATIOSÆ FACULTATIS MEDICÆ

PRO

SUMMIS IN MEDICINA HONORIBUS

ET PRIVILEGIIS DOCTORALIBUS

RITE CONSEQUENDIS

SOLENNITER DISSERET

JOH. MARTINUS CAROLUS RAVENSTEIN

CUSELLANO BIPONTINUS

A D. XXII. JUN. MDCCLXIV.

H. L. Q. C.

Hæc febris rubicunda dedit cui purpura nomen
Tingat erythræo quod corpora nostra colore
Purpureisque notet maculis, novitate maligna
Terruit.

PORTI *Dec. Med. L. X. c. 23.*

ARGENTORATI

Excudebat JOH. HENRICUS HEITZ Universitatis Typographus.

45898



SERENISSIMO
PRINCIPI AC DOMINO
DOMINO
CHRISTIANO IV.
PRINCIPI PALATINO
AD RHENUM
DUCI BAVARIÆ
COMITI VELDENTIÆ
SPONHEMII & RAPPOLTSTENII
DYNASTÆ IN HOHENACK
ET GEROLDSECK
&c. &c. &c.

PRINCIPI
JUSTO, FORTI, FELICI
PATRI PATRIÆ
DOMINO CLEMENTISSIMO
DISSERTATIONEN HANC INAUGURALEM
PIA INTER VOTA
MENTE

QUA PAR EST
HUMILI, GRATA
CONSECRAT

devotissimus Cuius

AUCTOR.



DISSERTATIO INAUGURALIS MEDICA
DE
FEBRE PETECHIALI.

§. I.



Maculæ, pustulæ, papulæ, phlyctænæ vel cum
vel absque febre in cutis superficie gregatim pro-
rumpentes nomine Hippocratico in genere vocan-
tur Exanthemata, a Græco ἐξανθεῖν, effloresco, unde & Latinis
Efflorescentiæ, quasi diceret, flores in cute erumpentes. Ex his
illa in specie, quæ sub febre continua vel remittente erumpunt,
Cel. DE SAUVAGES *Nosol. Method. T. II. P. I. Class. III.*
p. 346. secutus magis Galenum retulit ad Phlegmasias, Morbos
Inflammatorios. Hos inter unus ex præcipuis, tam ratione
periculi, quam ratione modi grassandi, quoniam semper fere
malignæ indolis, cito deleterius & ut plurimum epidemicus
deprehenditur, est ille, quem nobis Inaugurali Dissertatione
pro tenuis ingenii viribus pertractandum sumimus, Febris
sic dicta Petechialis, Petechiæ. Faxit Deus feliciter!

§. II.

Febris Petechialis, aliis Puncticularis, Peticularis, Lenticularis, a figura & colore exanthematum sub illa provenientium, unde & quibusdam Pulicularis, Stigmatica audit, à Cel. DE SAUVAGES *l. c. p. 414.* Purpura vocatur, præeuntibus ipsi in hoc PORTI *Medic. Decad. L. X. c. 23.* & PRIMEROSIO *L. IV. de febribus C. 11.* qui Febrem hancce Purpuream, Purpuratam seu Porphyroidem appellant, retento vel nomine generico Gallorum, quo efflorescentias cutaneas rubras insigniunt *Pourpre*, vel Græco vocabulo πορφύρα, quod purpuram denotat, ad instar veterum Græcorum, qui rubores tales sub nomine ἐρυθρημάτων comprehenderunt, mōnente illud FORESTO *Observ. L. VI. Observ. 39. Schol.* ex HIPPOCRATE, Gallis *le Pourpre* καὶ ἐξοχήν Germanis *Fleckfieber*, börsartiges hitziges *Fleckfieber*, *Petecken*, *Petetschen*, dicitur. Quod attinet vocem Petechiæ, illam potius barbaram & novam, vel ab Hungarico *Betegseg*, quod apud ipsos morbum significat: quemadmodum *il morbo* Itali καὶ ἐξοχήν pestem appellant, mutato B in P, ipsis solenne, cum TILINGIO *de Febr. Petechial. p. 13.* vel ab Itolorum *Pedechio*, pulex cum HOFFMANNO *Med. Rat. Syst. T. IV. P. I. Sect. I. Cap. XI. §. 4.* aut, quod vulgus Itolorum Petechias vocet quasi Pestichias, quod febrem pestilentialem consequantur, aut quod sint diminutivum a peste, juxta NEUERANTZ *de Purpura Cap. II. p. 11.* pronuntiamus, quam ut a Græco πᾶνω, extendo, volo, quod maculæ istæ per universum fere corpus extendantur, seu subito oriantur & subito iterum evanescant, avolent, vel plane ab Hebraico *Patach* aperuit, quod meatus vasorum quasi aperiantur, ut materia morbifica possit exhalare, derivemus; cum præsertim hujus nominis nulla in antiquioribus Scriptoribus mentio fiat. Distinguunt NENTER, JUNCKER, HOFFMANN & alii Febrem Petechialem veram, a spuria seu petechizante, hancce dicentes eam, quæ

quæ aliis morborum generibus supervenit, nec eos judicat, nec in illis constanter nec in morbi incremento observatur, uti illud nonnunquam fit in variolis, morbillis, purpura peste ipsa, præprimis autem in febre castrensi maligna, nec non morbo sic dicto Hungarico, ubi fere semper vel solæ vel aliis efflorescentiis conjunctæ superveniunt petechiæ, unde etiam pro synonymis a quibusdam habentur, Germanis audit die Ungarische Krankheit, hitiges, bössartiges, pestilenzialisches Hauptfieber, Hirntoben, Feld- oder Lager-Krankheit, Hagymaz. Conf. ALBERTI & SCHULLER de Morbo Hungarico Hagymaz ejusque cura præcipue per specificum. Hal. M. 1726. SCRETA de Febre castrensi maligna. Hafce Cel. DE SAUVAGES l. c. p. 417. tertiam speciem purpuræ constituere facit, illam appellans termino magis pathologico symptomaticam, *les Petechies accidentelles, le Pourpre accidentel.*

§. III.

Antiquitatem Morbi nostri quod attinet, non a vero nos aberraturos credimus, si eundem cum FRACASTORIO de morbis contagiosis L. II. C. 6. annis 1505. & 1528. in Italia & nostris successive regionibus innotuisse, peculiarique nomine insignitum assumimus, quamvis antea certis regionibus jam familiarem & majoribus cognitum. Imo videtur nobis cum CONRINGIO & STISSER de Febre maligna, vulgo dicta Hungarica. Helmst. 1668. HIPPOCRATEM L. II. Epidem. Sect. 3. Tom. I. Opp. Ejusd. edit. Linden p. 697. ad eam alludere: ἐγίνοντο καὶ ἐν τοῖσι θερμοῖσι πυρετοῖσι περί ζ. καὶ η. καὶ θ. τριχίσματα ἐν τῷ χρώλι κεχρωμένα, τοῖσιν ὑπὸ κωνώπων γενομένοις μάλιστα ἵκελα ἀναδήγματος, ἢ πανκυσμώδεα: Fiebant autem in febribus æstivis, circa septimam, octavam & nonam diem, aspretudines in cute miliacea, culicum morsibus maxime similes, non valde pruriginosæ; quo ultimo ipsæ se Petechiæ a reliquis exanthematibus similibus distinguunt, non ita ὥς ὑπὸ κωνώπων ἀναδήγματος, uti aliquibus placuit.

Et nobis cum SENNERTO *Lib. IV. de Febr. cap. 13. T. VI. Opp. p. 489.* nulla fatis manifesta apparet ratio, cur non antiqui ab his infestari potuerint, cum iisdem quibus hoc tempore causis, unde tales febres oriuntur, apud antiquos locus fuerit, & HIPPOCRATIS quoque & GALENI tempore febres pestilenciales nostris omnino similes, quorum Symptomata de cætero cum nostris congruant, grassatæ fuerint. Quæ interim ad probandam Petechiarum antiquitatem ex veteribus allegantur loca, vel ex GALENO, AETIO, aliisque illa utique adeo sunt obscura & confusa, ut de Petechiis vix queant intelligi, cum fere semper de pustulis sermo fiat, quas vero iisdem minime competere posse, definitio docebit. Omnium optime adhuc quadrat locus ACTUarii *m. m. l. c. 23.* dum inquit: *Aliis vero si ab urtica aut culicibus essent demorsi, in cute quedam efflorescunt, quæ modo permanent, modo revertuntur, ac crassitiem aut expultricis facultatis imbecillitatem demonstrant.* Nonnullis vero rubræ aut purpureæ vel etiam nigræ emergunt, quales ex pulicum cimicumque morsibus quotidie nobis apparent: atque hæc haudquaquam promte redeunt, utpote quæ ex tenuiori pauciorique materia enascantur: cæterum ex rubris deteriores sunt purpureæ, & omnium pessimæ nigræ, quippe quæ mortem plerumque denuntiant. Noster ergo Morbus, qui, si etiam ab antiquis aliquo modo cognitus, tamen ab iis cum aliis efflorescentiis admodum confusus, recentioribus demum temporibus accuratius observatus, distinctus, descriptus, peculiari nomine insignitus fuit, hoc saltem respectu poterit vocari Novus.

§. IV.

Est vero Febris Petechialis febrium peracutarum malignarum species, cum exanthematibus rubicundis utplurimum, modo lividis, nigris a), superficialibus, rotundis, minime elevatis, lentis magnitudine, pulicum morsus æmulantibus, mini-

minime prurientibus conjuncta. Clar. DE SAUVAGES *l. c.* est genus phlegmasiæ membranaceæ; maculis subrotundis, morsibus pulicum similibus, sed purpurei quandoque lividi, aut atri coloris, sine tumore & pruritu cum amphimerina vel tritæophia duplici stipatum. LINNÆO *Gener. Morbor. T. VI. Amœn. Acad. p. 454.* Petechia est morbus febrilis exanthematicus, contagiosus, cujus febris est exacerbans cum Asthenia & Agrypnia, exanthemata vero sunt sudamina livido-lurida, superficialia, insensibilia. Hisce notis satis sufficienterque sese distinguunt Petechiæ vel a maculis scorbuticis, qui latiores ut plurimum absque febre continua erumpunt, vel ab ipsis pulicum morsibus, absentia ipsius morsus puncti quodque digitis compressæ non obliterentur; ab aliis exanthematibus rubicundis febribus acutis junctis, quod ab iis cutis nullo modo elevetur, exasperetur, suppuretur, exulceretur & sine ullo ardoris aut pruritus sensu sint; quibus addit SENNERTUS *l. c.* quod in brachiis, cruribus, pectore & copiosius ac frequentius in dorso appareant, non autem in facie, cum hæc pars aëri externo semper sit obvia, a cujus frigiditate facile materia repellatur, exemplo brachii, ubi in parte lecto applicata, fota calore ejusdem, facile observentur in reliqua aëri obvia delitescant.

a) Albas in Æthiopico quodam observavit LOEW loc. infr. cit.

§. V.

Signa Febris nostræ diagnostica versibus expresserunt PORTI *l. c.*

— *pulsus erat minimus, tremulusque, soporque
Mens vaga, visque labans; lotium crassumque rubensque,
Interdum tenue instar aquæ: cineritia, flava,
Alba, virens, grave virus olens fæx ibat ab alvo.*

Nec non MORELLUS de Febre purpurata epidemia & pestilenti, quæ ab aliquot annis in Burgundiam & omnes fere Gallia provincias misere debacchatur. Lugd. 1641. 8°.

— Furit inde lues, & vulnere cæco
 Sauciat, ex templo nec sese prodit aperte
 Ut semel est excepta intus, sed tempore certo
 Delitet, & sensim vires per pabula captat:
 Principio blanda est febris, sunt mitia cuncta,
 Intus agens alitur virus, vivitque tegendo,
 Interea nova quotidie incrementa capeffit.
 Mille modis crucians ægros, huic tractus ab alto
 Spiritus hauritur, crebro & respirat anhelum
 Pectus, inexhaustos calices & pocula poscit:
 Ille sitim ardentem patiens, huic naribus exit
 Sanguis & obsessas fauces premit aspera lingua,
 Hunc tussis vomitusque urget, singultibus ima
 Ilia tenduntur, caput & pulsante dolore
 Afficitur, cuique est papulis cutis obsita rubris.
 Nonnullos sacer Ignis edit, nam sæpius ipsi
 Carne sua exutos artus squallentiaque ossa
 Vidimus, & fædo patefacta debiscere hiatu
 Membra, aliis longus molli tumet inguine bubo
 Atque diu putri dimanant ulcera tabo.

In genere signa morbi nostri sunt ea, quæ malignum mor-
 bum solent indigitare. Malignos autem morbos secundum
 GAUBIUM *Inst. Pathol. Med.* §. 876. vocamus illos, qui
 sub exiguis pulsus, caloris, urinæ mutationibus statim la-
 tentes, ex improvise symptomata multo graviora exserunt,
 quam quæ ex pulsus vi & impetu possent expectari, proin-
 deque clam ægro insidiatæ videntur ex qualitatibus minus no-
 tis, ut vi deleteria, dissolutione putredinosa, fermento, ve-
 neno, gangrænosa corruptione ortos, quibus si summa virium
 prostratio sese associat. Cl. DE SAUVAGES *l. c.* p. 347.
 peculiare nomen Typhodes imposuit. Horum in numero pri-
 mum fere locum obtinent morbi peracuti epidemici, con-
 tagiosi, exanthematici, ortum debentes potentiis virulentis,
 miasma-

miasmatis, vitio humorum multiplici, plurium morborum confluxioni, pravo ægrorum regimini, aut perversæ curationi, in quibus nunc iterum militat nostra febris. Concepto enim miasmate vel alio modo putrida sanguini dissolutione inducta, æger per aliquot dies vix aliud quid sentit, nisi insignem appetitus viriumque corporis & animi prostrationem cum pulsu parvo debili, & molestam quandam inquietudinem & jactationem corporis. Succedunt deinde in aliquibus horror, frigus, sitis, cardialgia, nausea, vomitus, in aliis cephalalgia fortior, agrypnia, dolores dorsi & artuum tendentes cum urina tenui sanorum simillima; hæc excipiunt calor mitior citissime in æstum intolerabilem degenerans cum siti inexplebili; summa nonnunquam præcordiorum anxietate, cardialgia insigni, cum oris & faucium amaritie, siccitate, lingua arida squalida nigra, sensuum vel unius vel plurium obnubilationes, respiratio difficilis satis crebraque, vomitus. Interdum sopor infestat, convulsiones, deliria, subsultus, terrores in somno turbulento corripunt ægros, nonnullis & sanguis e naribus stillat, vel ab initio quod pejus dum majorem virium prostrationem arguit vel tardius. Sudores, alvus, urina modo copiosiores, modo pauciores; & urina præcipue ab initio tenuis & pallida, nunc absque sedimento magis turbida, rubea, flammea, foetida deprehenditur, fæces eorum, quibus alvus liquida, cineritiæ, flavæ, albæ, vel nigræ, foetidissimæ. Pulsus quam maxime varius seu *πολύμορφος*, ab initio naturali similis, a sanorum pulsu vix recedens, nunc magis inæqualis, intermittens, undosus, deficiens, inordinatus, debilis, mox iterum legitime febrilis, magnus, durus, fortior quoque, nonnunquam & impetuosior pro indole malignarum. Sub calore absque remissione continuante 4, 5, 7, 9, die vel tardius quoque erumpunt plus minusve maculæ petechiales modo rubræ, modo lividæ nigræ, partes corporis tectas, nec non eas, ubi majora vasa decurrunt, potissimum occupantes. Eruptione vero feliciter progrediente sensim symptoma-

ptomata mitigantur, sudor fat largus & diarrhœa spontanea critice nonnunquam superveniunt, maculæ sub conveniente regimine diætetico & pharmaceutico 3, 4, 5, die palleſcunt, evaneſcunt, & ſic tandem ſolvitur morbus, quod vero utique rarius contingit ob ſummam, quæ omnia hæcce enarrata ſymptomata arguunt, humorum diſſolutionem putredinoſam, ſolidorumque debilitatem. Adeo porro inconstantis & mutabilis naturæ, ab omnibus fere obſervatoribus pronuntiat, ut vix hoc reſpectu alius illo pejor. Modo enim vel levibus affectibus catarrhalibus ingruit, modo ſub ſpecie tertianæ ſimplicis infeſtat, iterum cum inſultibus inflammatoriis, anginodis, amphimerina ſeu ſemitertiana, vel tritæophia ſeu tertiana continua invadit, modo cum agrypnia, modo cum affectibus ſoporosis, cephalæa inſigni, ita ut omnes communi fere ore aſſerant illius ſignum pathognomicum conſtans minime dari poſſe, ſi ipſas petechias excipias, tardius & non niſi cum morbus jam funeſtiſſimas fere tragœdias in corpore luſerit, demum erumpentes. Secta cadavera lue hæcce defunctorum, uti aliorum febribus malignis exanthematicis extintorum, exhibebant viſcera interna iisdem maculis ac exteriores partes obſeſſa, colore naturali viſcerum præcipue nobiliorum pulmonum, cordis, hepatis a naturali maxime recedente, modo livido cœruleo colore, modo albo, livido flavo, qualia nobis exhibet WERLOSCHNIG & LOIGK in *hiſtoria peſtis quæ ab anno 1708. ad 1713. Transylvaniam, Hungariam, Austriam aliasque conterminas provincias depopulabatur* p. 27. Cor præcipue in quadam virgine ruſtica parum ad cœruleitatem vergens, præter maculas nigras in circumferentia & ambobus ventriculis, liquorem atrum atramenti tinctorii ad inſtar continebat, quem ſanguinem ſumme venenatum fuiſſe judicat WERLOSCHNIG l. c. cum ejus guttæ decidentes ad cutem, maculas uſtas in ea reliquerint, manifeſto indicio, ſummam ſanguinis diſſolutionem putredinoſam hic obtinuiſſe, unde & nonnulli hæcce febres ſemipeſtilentiales, subpe-

subpestilentialia appellarunt, quoniam post pestem nullum atrociorē, maligniorē observaverint morbum. Sanguinis in hac febre detracti, cruorem vix unquam valde glutinosum, serum plerumque viride, haud raro rubellum infauftum semper, observavit HUXHAM loco mox cit. HASENÖRHL in Febre epidemica petechiali Viennensi a. 1757. & 1759. sanguinem e vena missum, in paucis resolutum & fluidum, in plurimis spissum, densaque crusta inflammatoria inductum. Habet IDEM & sectiones duorum cadaverum hac febre extinctorum, eadem fere sistentes quæ priores, quæque ipse ratione sanguinis monuerat.

§. VI.

Causa proxima febris nostræ seu interna, προηγεμένη seu prædisponens, in summa humorum dyscrasia, præprimis sanguinis dissolutione putrida cum solidorum debilitate conjuncta erit quærenda. Hancce derivandam esse in epidemia a contagio quodam in aëre hærente infra §. 8. docebimus. Ubi vero sporadice quosdam invadit, quod tamen rarius occurrit, abusus sex rerum non naturalium eandem producet. Præcipuum vero & hic locum sibi vindicat aër. HIPPOCRATES *de Aëre, Aquis & Locis* & GALENUS ὅτι τὰ τῆς φύξης ἴδιον non solum epidemias, sed & morborum, morum & temperamentorum diversitatem in gentibus ab eodem derivarunt, & LUCRETIUS *Lib. VI. de rer. nat.* in eadem inquirens, mox subjungit rationem

— — — varius concinnat id aër.

quod ultimum recentioribus temporibus præcipue urgebat Ill. MONTESQUIEU *Esprit des Loix T. II. Opp. p. 85.* Clima diverso id adscribens. Quasnam præterea aeris frequentes & repentinæ vicissitudines ratione caloris & frigoris, siccitatis & humiditatis in corpore humano diversos præternaturales effectus, morborumve species valeant excitare, vel

Artis Medicæ tyro jam callet; quisnam ergo miretur? si his præsentibus, minus munda seu pura vivendi consuetudo, vitia diætæ ratione reliquarum rerum non naturalium concurrunt, vel ratione cibi, si cruda, viscida, salita, partes animales ad putredinem quandam jam vergentes, pisces præcipue marini; potus vero, minus defœcata aut spirituosiora copiosius ingurgitantur, si sanguis per corporis exercitium, motum, a quo & solo eidem putredinem conciliari posse, HALLER *El. Physiol. L. V. Sect. II. §. 29. T. II. p. 84.* monstrat, per vigilias, Venerem nimium exagitur, aut spiritus nimis dissipantur, excretorum & retentorum minus conveniens habetur ratio, animi pathemata fortiora superveniunt, oriatur primo stasis in vasculis minimis, febricula, qua forte neglecta, aut calidius aut alio perverso modo tractata, evolutis bilis & humorum digestionis inservientium partibus alcalinis, per circulationis leges hisce in sanguinem receptis, ipsius quoque partes alcalinæ, oleosæ magis evolvantur, quibus expellendis ob defectum spirituum, fractasque jam nimis vires natura non amplius sufficit, toti per consequens humorum massæ putredo inducatur, fortiusque nunc accensa febre, subtiliores aliquo modo coctæ materiæ morbificæ partes ad peripheriam corporis ducantur, maculas petechiales sistentes, novam ibidem præparationem, coctionem & crisin experturæ; eo rariores utique, quo majorem humorum corruptionem, fractas vires, majus periculum, mortem fere semper denuntient. Has Cel. VAN SWIETEN *Comm. ad Bærb. Aphor. T. II. p. 405.* rarius, attamen in Historia Medica occurrentes, ipsi una vel altera vice in infimæ fortis hominibus observatas refert.

§. VII.

Omnes vero Auctores, qui de nostra febre egerunt, ipsam fere semper epidemicam observarunt. Sic ubi primum observata

vata legitur in Italia inter nobiliores solummodo grassabatur plebi parcens, ubi præcedente hyeme austrina, pluviosa, vere quidem multa flumina inundavere: fuere pariter & caligines quædam, quibus arborum germina, olearum præsertim quam plurima aruere: FRACASTORIUS l. c. c. 7. Eadem fere MORELLUS observavit:

--- --- --- --- --- --- --- per omnes
Burgundos, & quos stagnans Arar irrigat urbes
Insolita exarsit febris, quæ corpora rubris
Inficiens maculis (triste & mirabile dictu)
Quarta luce frequens fato perdebat acerbo:
Illa eadem Italiae gentes; miserumque Sabaudum
Qui Sequanum, Rhodanumque bibunt Belgas & Iberum
Corripuit, nec non Europa sæviit omni.
Sed Cabilonensi fato immanissima civi
Primates populata viros, vegetamque juventam
Sustulit, & plebi parcens in splendida tantum
Tecta ruit, procerumque domos depasta superbas,
Unde hæc cæca lues. --- --- --- --- ---

--- --- --- --- --- alii sævi lethalia Martis
Sidera pestifero mundum ferientia telo
Accusant, alii pluvias, multoque madentem
Autumnum perflatum Austro, qui uligine cælum
Corrumpit, fluidæque parit contagia pestis:
Nonnulli vitata putant alimenta malignum
Suppeditasse homini succum, qui putris adepta
Labe venenatum in venis produxit ichorem,
Unde venenati morbi unde & maxima clades
Obsessos inter cives & egentia castra:
Sunt, qui purpureum hunc morbum, pestemque sequutam
Italici sobolem belli, Regumque duorum
Gallici & Hispani numerosum militem, & ortas
In castris febres, inhumataque corpora censent
Ausonium tetra cælum fœdasse mephiti.

TILINGIUS l. c. proœm. p. 5. ex MINADOO de Febr. malign. L. I. c. 3. refert: eo tempore quo Maximilianus II. Romanorum Imperator ad Comarum & Jaurinum juratum nominis Christiani hostem fugavit a. 1566. in exercitibus magna cum militum clade petechias istas cum febribus divagatas esse; quam miseram constitutionem a vehementi capitis dolore Cephalalgiam Ungaricam vocarunt. Hic sensim endemia facta, cum fomes mali præ aliis regionibus aderat, lethaliter sæpe grassabatur, donec tandem adhibita & cognita convenienti methodo medendi curatoria & prophylactica sæva ejus strages paulatim imminuta fuerit. Sic & nonnunquam in Gallorum Germanorumque contra se militantium exercitiis, regionibus, ubi castra struxerant, furibunda sævit, uti seculo præterito, de qua DONCKERS descriptionem dedit in *Idea febris petechialis*. Nostris adhuc propius regionibus an. 1734. 1735. & 1736. itidem in exercitu Gallorum & Germanorum stragem edidit, de qua MOLITOR & MAYR *Diss. de Febre continua maligna & intermittente tertiana, utraque ad Rhenum* 1734. & 35. *epidemia castrensi Heidelb.* 1736. Eadem & hic loci absque tamen petechiis, solummodo Purpura alba stipata, iisdem temporibus observata, maximam quoque Medicorum stragem edidit, de qua Exp. D. D. SALZMANN *historia purpuræ miliaris albae comprimis Argentoratum nostrum & viciniam ante biennium infestantis*. Argent. 1736. qui ideo §. 6. p. 14. incongruum nostratum morem loquendi bene attendendum præcipit, quando dicunt: *Er hat Flecken und Friesel*, cum sub voce *Flecken* intelligant maculas rubicundas, vesiculas in purpura præcedentes, non petechias. Circa idem vero tempus & in aliis Europæ regionibus hæcce febris maligna petechiis stipata epidemia observata legitur. WEITBRECHT *febrilem constitutionem petechizantem Petropoli A.* 1735. *grassantem* dedit Regiomont. 1736. HUXHAM *de aëre & morbis epidem.* p. 104. A. 1735. Plymuthi observavit epidemicam, accuratissime eandem describens: forte &

& huc febris catarrhalis maligna Eyderostadiensis, de qua DETHARDING & HANNÆUS de *Febribus Eyderostadiensibus epidemicis* vulgo *Stoppelsiebern*, Hafn. 1735. p. 286. In Bohemia in exercitu Gallorum A. 1742. magnam edidit stragem SCRINCI & BACHE de *Febre maligna castrensi Gallorum* Prag. 1743. id peculiaris de eadem annotans, quod nec unus a Medicis Gallis tractatus vel minimum exanthema petechiale acceperit, bene vero a Germanis Medicis, curæ Gallorum præcipue id adscribens: Et in exercitu Borussorum eodem tempore, quam describit BRANDHORST *Historia febris castrensis petechialis epidemiæ*. Leyd. 1742. Alium morbum Petechialem epidemicum Posonii a. 1683. grassatum describit LOEW *Act. N. C. Vol. 2. p. 33.* HASENÖHRL *Historiam Medicam Morbi epidemici sive Febris Petechialis, quæ ab anno 1757. fere finiente usque ad annum 1759. grassata est*, dedit, nullusque fere finis esset scribendo, si omnes huc spectantes observationes colligere vellemus. Plures tales præcipue catarrhales malignas petechizantes refert Exp. D. D. EHRMANN in *Diss. Inaug. de Morbo catarrhali benigno hoc anno inter nos endemio*, Argent. 1762. §. 3. & 4. Hisce ergo enarrandis supersedemus.

§. VIII.

Ad hæc vero epidemias producendas contagium in aëre a nobis requiri ne quis miretur. Præeuntes habemus hac in re artis Parentes HIPPOCRATEM & GALENUM ll. cc. & qui ex professo de hac materia egit Cel. HUXHAM l. c. qui expressis verbis nostrum morbum a contagio epidemico maxime disperse deducit, nec non OOSTERDYCK-SCHACHT *Inst. Med. Pract. C. X. §. 8.* qui licet prædicta symptomata a graviore quacunque inflammatione undecunque producta, nasci possint: longe tamen probabilius est ex decursu morbi, eadem agnoscere contagium quoddam ad corpus hominis applicatum di-

cit. Non autem tale contagium, quale CICERONI *de Divinat. L. I.* nominatur, quasi vis quædam a stellis defluat & in sub-lunaria influat, a multis & Medicis assumtum, ideoque ab iisdem Astrale vocatum, a sanioribus utique derisum assumimus; sed tale quod calore in aërem elevatum, OOSTERDYCK-SCHACHT *l. c. in eodem hærere, ex eo statim in hominis corpus sese insinuare; vel forte prius se cum alimentis miscere, atque ita deglutiri, vero videtur simillimum.* Tale autem semper adfuisse Observatorum fideli experientia constat. Semper enim aut prægressæ tempestates humidæ, modo calidæ, modo frigidæ, inundationes, venti calidiores, humidiores, in Italia celebres Etesiæ, in aliis regionibus Lybs, Zephyrus, Auster, Vulturnus, quibus sub circumstantiis diversis partibus induc-ta putredine, partes oleosæ, alcalinæ subtiliores in auram abreptæ illam contagio quodam putrido afficiebant. Hisce nunc sese associantibus in castris urbibusve obsessis vaporibus putridis ex collectione sordium, cadaveribus copiosis hinc inde dispersis, vel plane non, vel minus bene sepultis, caren-tia victus convenientis aut sufficientis, ubi deinceps coacti milites naturæ contrariis & minus convenientibus sese nutri-re, sub fortiori nonnunquam corporis exercitio, vigiliisque fere perpetuis, nec non militum ipsorum sorditie & immunda satis vivendi consuetudine: quis deinde nobiscum non sentiet; contagium ex terra in aërem elevari posse ope calo-ris putridum quoddam, inibi hærere, à nobis per inhalatio-nem, inspirationem, deglutitionem ex eodem iterum hauriri.

§. IX.

Hocce vero contagium neque cum Hermeticis vel Anti-moniale, Arsenicale, Mercuriale, Aconitale, Colchicale, Cicutosum, Napellinum &c. prout MINDERER *de Pestil. cap. 3. p. 28. & sqq.* neque cum PARACELSO *de Peste l. I. c. 5. T. I. Opp. p. 365.* Sulphureum, nec cum HELMON-TIO

TIO Archæale, WILLISIO Salino-Acidum, SYLVIO Alcali-
no-Volatile, aliisve qui vermes ægrotos febre hac corre-
ptos dejicere observarunt, uti in obsidione Hafniensi, referen-
te BONETO *Anat. Pract. L. IV. Sect. I. Observ. 57. §. 11. p. 1493.* & in cerebro post mortem inventos fuisse, & ex
corpore febre Hungarica theriode defunctorum prorepisse ex
CONRADINO *C. 10. febr. misc. Hungar. theriod.* IDEM: &
TILINGIO *l. c. cap. 12. p. 182.* qui lumbricos in copia ab
initio febrium rejectos observavit, ideo verminosum dixe-
rim, aut plane ad asylum quorundam rerum absconditarum
Θείον Hippocratis recurrerem. Si interim aliqua ex parte
standum foret, potius cum SYLVIO & OOSTERDYCK-SCHACHT
illud alcalinæ sanguinem dissolventis naturæ arbitrarer, haud
tamen ita paræ, ut non etiam particulis volatioribus inflam-
mabilibus, oleosis sulphureis junctum sit, aut cum SAUVA-
GES *l. c.* si in principio morbi ipsi quoddam adest, multipli-
cativum, tenuissimum, halituosum, acre, septicum; aut plane
cum recentiorum Sapientissimis SYDENHAMO, HOFFMANNO,
BOERHAAVIO ingenue me naturam hujus contagii perfectam
ignorare, faterer. Cujuscunque verò illud naturæ sit, cer-
to residet in aëre subtilissimum, inde per os, nares, fauces,
pulmonis & cutis spiracula receptum, sanos humores inficit,
bilem præcipue & humores digestionis chylicationique inter-
vientes, unde deinde in sanguinem transit, mox eundem
putride dissolvens, inque suam naturam vertens, omnia
sub diagnosi enarrata symptomata producens. Subtilitas
verò hæc tanta miasmatis hujus apparet ex MORGAGNI
de Sedib. & caus. Morbor. L. IV. Ep. 49. Art. 32. T. II. p. 266. ubi professor quendam febre lenticulari demortuum
audacter incidens, paulo post labore vix quasi incepto eadem
febre correptus periit; cumque aliæ cadaveris sectioni, an-
iculæ febre maligna, cui apoplexia supervenerat, ipse adsta-
ret MORGAGNUS viscerum sedem auditoribus explicaret, etsi
nullus odor gravior solito existeret, nec ullum præter inte-
stinorum

Minorum implicationem vitium apparebat, pari febre mox correpti sunt & Prosector & MORGAGNI, a qua ultimus per plures annos fracta licet febris vi, non potuit exacte valere. Imo VAN SWIETEN *Comm. in Bærhav. Aphor. T. II. p. 405. §. 723.* in Galliæ quodam loco Purpura grassabatur, quo bidui vel tridui spatio e medio tollebantur homines, quorum cadavera ita erant corrupta, ut nemo illa dissecare auderet, quin imo plures morerentur, qui illa inhumaverant, *ex Hist. de l'Acad. Roy. des Scienc. 1715. p. 14.* refert: & HUXHAM *l. c.* tanta fuit, tamque cita, Putrefactio Cadaverum hac febre demortuorum, ut ea sepelire fuerit necesse prorsus aliquando, aut intra horas 24. ait; vel his solis illorum nimis generalem assertionem refellentes, quod cadavera morbo epidemico maligno defunctorum non sint contagiosa. Cum interim prostent exempla plura ex parte jam supra allegata, cadaverum morbo tali contagioso, imo plane pestilenti, absque secantis damno dissectorum, & qualia exhibet BONNETUS *l. c.* regerere nobis quis posset hæc ex terrore, timore anxio, imaginatione forsan accidisse, nulum genuinum contagiosæ cadaverum naturæ esse documentum, sed respondemus cum MORGAGNO *l. c.* neque eadem est vis & natura omnium malignarum febrium, neque eadem omnium prosectorum dispositio, quarum neutram pro certo quispiam scire potest, hinc, cum & causa occasionalis non noceat nisi prædispositis, potuit ab aliis sectio impune institui horum cadaverum, ab aliis non ita. Et memorabile fatis est exemplum, quod affert quidam de nostro morbo scriptor jam allegatus, a vestitu alicujus petechiis demortui; quem sibi attribuebant unus post alterum 30. ad 40. alii milites, omnes sensim eodem morbo fato fuisse functos, donec incensis & deflagratis his vestibus tandem malum aliquo modo in illam militum cohortem sævire cessaverit. Facile interim posse & sæpissime fieri concedimus, ut in epidemia tali, ex metu similium, anxietate, fastidio & averfatione, imaginatione ipsa,

in

in quibusdam, qui de cætero a commercio cum ægrotis contagiosis plane intercepto, vivunt, oriantur, quotidiana id & in aliis monstrante experientia morbis.

§. X.

Quemadmodum non datur certa ac constans nostræ febris Diagnofis, nisi ab exanthematibus ipsis, sic & eodem modo feres habet circa Prognofin. Probe ergo distinguendæ sunt Petechiæ, quæ critici aliquid habent, ab iis, quæ symptomaticæ accidunt. Illæ Petechiæ, quæ nobis aliquid critici habere videntur, debent esse bonæ notæ, id est, purpurei rosei coloris, debent conveniente tempore, id est, diebus criticis 4, 5, 7, cum euphoria fufficienter erumpere; symptomaticæ ergo & damnosæ e contra nobis erunt, quæ aliis morbis supervenientes, aut etiam per se mali moris, id est lividæ, nigrae, fusca, quas MEAD *mon. & præc. med. p. 16.* veras gangrænulas censet, diebus non judicatoriis ægre & cum symptomatum exacerbatione erumpere conantur, quales Variolis præcipue supervenientes observarunt SYDENHAM *Sect. III. cap. 2. p. 85. Opp.* VAN SWIETEN *l. c. p. 402.* HUXHAM *l. c.* mortis fere semper prænuntias, & Pesti BOECLER *Recueil des Observations, qui ont été faites sur la maladie de Marseille p. 46. & sq.* rubicundas mox nigrescentes & lethales, conf. & CHICOYNEAU *Traité de la Peste P. I. p. 318.* Tardius licet erumpentes, nec ita copiose, sub mitiori tamen febre rubri coloris, pulsu antea debili dum prodirent exanthemata exfurgente, reliquis postea mitigatis symptomatibus haud ita timendæ. Quando vero retrocedunt, quod lubentissime faciunt, aut plane non erumpere volunt, summum adest periculum, & paulo ante mortem horum exanthematum vestigia quædam apparent profunde in cute hærentia. Nonnunquam fallax sub eruptione levamen sentiunt ægri in quibusdam epidemiis, hinc cautus sit Medicus, & semper anguem sub herba latitantem timeat. Quibus vermes ab initio ex-

C

cernun-

cernuntur, exanthemata felicius erumpunt VAN SWIETEN *l. c.* & *Hist. de l'Acad. Royale des Sciences l. c.* Crisis fit per sedes, sudores largos, foetidos, non coactos; salivæ viscidæ uberiores rejectionem, tumores, parotides, simul urina sudoreque bonis, abscessus in partibus ignobilioribus, purpuram, urinas ipsas, uterum, somnolentiam unius pluriumve dierum; vermes multos exclusos, rarissime per hæmorrhagiam KLEIN *Interpr. Clin. p. 223.* Hæmorrhagia sic primis diebus & in statu periculosa, præcipue si non sufficiens LOEW *l. c.* Urinæ sedimentum in hoc morbo est lacteum, levi flavedine pallens, vitrumque in quo est alba cuticula imbuit KLEIN *l. c.* Mulieribus non æque infesta ac viris BRANDHORST *l. c.* e contra LOEW *l. c.* duplo graviores foeminis pronuntiat. An febris petechialis, gonorrhœæ, bubonibus, ulceribus venereis, superveniens ea sanat atque radicitus extirpat? uti BRANDHORST *l. c.* forsan vere. In genere hic, uti in omnibus morbis malignis præcipue catarrhalibus, mala in toto morbi progressu lassitudo corporis; insignis virium & animi dejectio, fastidium ciborum, horrores versus vesperam recurrentes, quos validus excipit æstus, si adsunt inquietudo, tussis ferox, noctes insomnes, cephalalgia, deliria, anxietates mirum in modum ægros exagitant, pulsus debilis, celer, inæqualis, respiratio molesta & anxiosa, urinæ crudæ, quibus accedunt subsultus tendinum, syncope, perfrigeratio extremorum, maculæ lividæ aut nigræ, ex his mors certa protenditur HASENÖRHL *historia trium morborum a. 1760. frequentius in nosocomio observatorum p. 70.* adhuc magis, si sudor profusus viscidus, olidus, aut foetidissima livida diarrhœa miseros colliquat ægrotos, lingua porro nigra aridissima, vox faucibus hærens, singultus, spasmi, pulsus formicans aut coacervatus, livor manuum ac sæpe cubitorum HUXHAM *l. c.* Salutem promittunt circa vel in diebus criticis erumpens sudor tepidus liberalis per universum corporis habitum, alvus per aliquot dies fluxa, urina turbida cum sedimento crasso copioso,

copioso, sputum puriforme, auditus 11. vel 14. die obtusior factus, pulsus mollis, magis æqualis, animus erectus, HASENÖHRL l. c.

§. XI.

Critici aliquid habere quasdam petechias diximus, contrasentientibus uti videri posset, KLEIN & HASENÖHRL ll. cc. nec non Cel. HAENIO passim, qui expresse illas symptomáticas minime critici aliquid habentes asserunt. Assumimus cum his Viris febrem petechialem nullam dari idiopathicam, bene vero symptomaticam; fortiori enim sanguinis & lymphæ corruptioni originem semper debet; hæc vero humorum rarefactio, corruptio, putrefactio caloris febrilis sunt effectus. Efflorescentia ergo hæcce cutanea calori violentiori febrili, aut plane non debellando, vel non satis cito debellato aut neglecto, imo forte perverso calidiori regimine nutrito, creato cuique in omnibus fere aliis regionibus, quam Austria & Hungaria ejus ortum tribuit HAEN *thes. sist. febrium divisiones*, erit adscribenda, hinc damnosam semper, lethalem utplurimum dicendam esse; criticam vero, licet rarissime, nobiscum certe Clar. Viri assument, eo tamen solummodo cum respectu, ut, si cum euphoria, bonæ notæ, conveniente tempore erumpunt, cum LUDWIGIO *Inst. Med. Clin P. I. C. I. §. 144. p. 64.* pro crisi quadam metastatica possint haberi, sub qua materia morbifica quodammodo cocta, ad habitum cutis delata, in colatoriis ejusdem stagnat, ibi novam & perfectam coctionem exspectans, hancce conveniente adhibito regimine pharmaceutico & diætetico bonis ægri rebus experitur, subvenientibus ad finem aliis excretionibus criticis plenarie ex corpore eliminanda. Vicissim & hoc Illustrissimis Viris dantes, posse perbene talia exanthemata præcaveri in febribus malignis, perspecto statim ab initio a sagaci Medico morbi indole, prudentique & convenienti adhibita cura.

§. XII.

Duplicem uti in omnibus epidemiis malignis, ita & hic sibi finem in curando proponere debet Medicus, & præsentis jam in ægroto mali Fugam, & sui conciviumque adhuc a lue immunium Præservationem ab illa. Prior therapeuticus seu curatorius requirit 1° Contagii eliminationem & correctionem. 2° Virium dejectarum excitationem & sustentationem. 3° Symptomatum mitigationem. 4° Denique prægressa sufficienti materiæ morbificæ evacuatione, partium debilitatarum roborationem. Alter Prophylacticus exposcit, ut aër infectus corrigetur, non infectus a miasmate præservetur, contagii ad corpus applicatio impediatur, aut si hoc non fieri poterit, corpus ita disponatur, ne noceat, aut saltem vix lædere possit.

§. XIII.

Therapiam Febris nostræ 1° requiri diximus eliminationem contagii & ipsius correctionem. Obtineri poterit eliminatio vel Diaphoresi, vel Catharsi, vel Emesi, aut Venæsectione, aut Vesicatoriis. A summis vero in arte Viris hic disputatur, quænam ex his conducant, quænam noceant, his pro una parte stantibus, ex contraria alteris. Præcipuas huc spectantes quæstiones ita eleganter & accurate enodavit Clar. DE HAEN *Rat. Med. T. III. C. I.* ut quid addi posset vix videamus; ita quidem, ut si vel solummodo eas tangimus, brevibus ejusdem Viri prolata referre coacti simus. Monet autem statim ex RICHARDI *Descr. Febr. epid. Taurin. a. 1720.* *Illud esse epidemicorum morborum ingenium, ut qua methodo currente anno ægrotos liberaveris, eadem ipso anno jam vertente forsitan e medio tollas*, hinc nullam generalem obtinere regulam, hancque assertionem exemplis, præcipue ex SYDEN-

SYDENHAMO stabilire conatur. Circa Emesin vero, Cathar-
sin & Venæsectionem versantur primariæ quæstiones, quæ
nempe horum, & quomodo ab initio febris malignæ condu-
cant. Et Emesin quidem quod attinet, invaluit apud Anglos,
Gallos, Germanos mos, ut in quolibet fere morbo maligno,
epidemico aut castrensi curæ initium facerent Vomitorio, præ-
missa una vel altera Venæsectione, quam methodum nostris
temporibus Angli, præprimis HUXHAM & PRINGLE urserunt,
quamquam haud semper exoptato cum successu, quin potius
pluries infauisto. Eandem vero Cel. DE HAEN, a BOERHA-
VIO edoctus cautius vomitoriis mercandum esse quam commu-
niter illud fieri soleat, accuratius examinans, per infinitas
observationes invenit usum vomitoriorum non solum in in-
flammatoriis, verum etiam in putridis malignis febribus, si
non semper nocivum magis, ut plurimum tamen supervaca-
neum fuisse: hisce permotus eorum usum abolevit, optime-
que habuit, loco horum ab initio statim præbendo in copia deco-
ctum hordei vel avenæ mellitum, acido citri & nitri tantillo sa-
turatum, aut hydrogala cum melle, cum blande emulsis,
quibus omnibus id obtinuit, ut vel vomitum plane præcave-
ret, vel vomituriens aut vomens demulcente hoc & sapo-
naceo potu, acre diluente & solvente egregie juvaret, sitim
immoderatam juvaret, secretiones languentes restitueret,
corruptionemque humorum, emendatis fordibus primarum
viarum, præpediret. Nec tamen ideo a Vomitoriis plane
abstinendum præcipit, quin potius præsentibus indican-
tibus, ipsa morbi natura id præcipiente, (qualem habuit
SYDENHAM epidemiam, ubi egregium præstabant usum
& absolute indicabantur, cum interim in altera simili plane
infortunatus eorundem ipsi esset usus) vel si juxta Ill. B. VAN
SWIETEN l. c. p. 271. *hæret aliquando in morbis aliquid
circa præcordia, quod venenata quasi vi omnes vires uno
momento prosternit, & quamdiu ibi hæret, summam debi-
litate facit, quamvis nihil prægressum fuerit, cui subito*

nata debilitas attribui possit, quæ certe emetico dato egregie tollitur, uti observarunt GALENUS & SYDENHAM; eorundem usum absolute requirat. Cautius ergo cum iisdem mercandum, eademque non nisi probe ponderatis, quæ pro & contra in singulo casu allegari poterunt argumentis, ex Pathologia & Therapia generali repetendis, exhibenda. Eadem fere est ratio Catharticorum, quæ adhuc magis ab initio, morbi sunt contraindicata, πένονα enim φαρμακείων καὶ κινέειν μὴ ὥμα præcipit HIPPOCRATES *Aph. l. 22.* Et funestam a purgantibus in Petechiis excitatam diarrhœam, vid. *Act. Med. Berol. Vol. III. Dec. II. p. 13.*

§. XIV.

Venæsectionem sunt qui in morbo nostro abhorrent, ob conjunctam tantam præcipue ægrorum debilitatem, ut his venam secare eosque trucidare videatur unum idemque; alii iterum studiosissime eam laudant & celebrant. Jam statim fere eo tempore, quo febris nostra innotuit monente PORTI *l. c.* quæstio longa fuit, foret an referenda vena tumens. Sed utique hi, bene notante DE HAEN *l. c.* nullam faciunt distinctionem inter debilitatem veram, a virium deperditione & apparentem, ab earum solummodo suffocatione pendentem; quam ultimam a plenitudine oriri sæpe, ipsa pulsus debilis a plethora notio involvit, & si non a plethora, a sanguinis tamen alias non nimii rarefactione venire posse, exemplis demonstrat IDEM; causam secundum illum agnoscens, sanguineorum vasorum interceptionem spirituumque inter vasa, quæ turgendo nervos comprimunt. Hujus vero citissimum remedium in Venæsectione poni quis negabit, & qui negat irrefragabile JUVENIS SYDENHAMI exemplum consideret, animam hac de ipsa causa agentis, nec nisi post tertiam quartamve Venæsectionem bene curati & videat num porro negare poterit. In nostra autem febre, si non vera utique aderit plethora, certe rare-

rarefactionem summam adesse debere sanguinis, quisque perspiciet, qui humorum dissolutionem putredinosam a motu intestino summo fieri debere, hæmorrhagiasque nonnunquam easdem admodum sæpe largas accedentes, perpendet. Optime ergo IDEM Clar. VIR & HUXHAM ll. cc. curam febris nostræ ordiuntur Venæsectione, ab initio profuturam, raro post unquam, cucurbitulas subjungentes, si necessitas illas efflagitaverit. Et HASENÖHRL *Hist. Febr. epid. Petech. Vienn. an. 1757-1759.* ideo quam maxime necessariam eandem statuit, cum non semper ad sanguinem resolutum in petechiis concludere liceat, vidit enim in plurimis quoque spissum, densaque cructâ inflammatoria obductum. In inflammationibus vero quam necessaria, quam egregia Venæsectio & repetita. Qui vero illam nimis celebrant, uti Galli nonnulli & qui eos sequuntur, ii præcipue ex hoc capite male agunt, quod per evacuationem nimiam sanguinis, vires ægroti jam satis fractas, nimium adhuc debilitent, unde postea miasmatis percolatoria cutis, vesicæ, aut alvum eliminando, natura minime par erit. Et hæc ratio videtur SCRINCI l. c. una ex præcipuis, quod Gallorum, licet in athmosphæra & patria quasi petechiarum fuerint, ubi ordinarie homines, dum febribus malignis corripuntur, exanthemata sive petechialia sive miliaria alba accipiunt, nullus a Medicis Gallis tractatus, bene vero a Germanis, vel minimum exanthemata acceperit, idque tanto magis mirabile, quo major ægrotorum numerus, cum ad minimum 30000. Pragæ existentium, numerari potuissent, fuit.

§. XV.

Quæ ad contagium ex corpore eliminandum faciunt diaphoretica & epispastica considerationem quoque merentur. Cum cardo felicitis curationis præcipue in hoc versetur, ut transpiratio semper servetur libera minimeque impediatur,
cum

cum vel a sola nimis cito permiffa indufiorum mutatione quamvis debitis cum cautelis, obfervaverit fubitaneam quafi morbi exacerbationem periculofam, donec vini Hispanici tantillo vires & fudorem & petechias reftituiffet. VAN SWIETEN *l. c.* omnesque Autores in febribus contagiofis, peftilentialibusve fudoris remiffionem perniciofiffimam pronuncient; eo femper allaborandum, ne Bezoardicis aut Alexipharmacis calidioribus æftum fanguinis nimium augeamus, interim tamen fudorem egregie & quantum fieri poterit, non interrupto ordine excitemus & promoveamus, quod optime fieri poterit per lenia aromatica acidis mifta. Quo nomine fefe commendant Anglis HUXHAM & PRINGLE *ll. cc.* Decoctum radicis Serpentariæ, aut ex eadem & radice Contrayervæ Electuarium, *Ill.* VAN SWIETEN *Comm. T. III. p. 125. §. 950.* fcardium, ruta, angelica, fimiliaque Alexipharmaca larga copia aquæ infufa, vino vel aceto remifta. HUXHAMO præterea vinum rubrum uftulatum (*vin brûlé*) Cinamomo & Maci incoctis, cum aquæ pauxillo. Quæ alii hunc in finem laudant Opiata, ut in acutis hisce exanthematicis, STOERCK *Ann. Med. I. p. 71.* cum ipfius alias Opii præcone Cel. TRALLES *Ufus Opii fal. & nox. Sect. II. c. 2. p. 182.* tutius exulare jubemus, cum eadem fanguinis maffam jam diffolutam, adhuc magis diffolverent, malignitatem augerent; Camphoram interim cum Cl. HUXHAM *l. c.* ceu minus timendum lene anodynum & antiphlogifticum optimam, urgentibus fymptomatibus permittentes, licet & VRATISLAVIENSES *Hift. morb. a. 1699.* talibus in febribus malignis interne aliquando plus detrimenti quam auxilii attuliffe eam obfervarint. Sub horum vero ufu Epifpastica & Veficantia, fi fymptomata efflagitaverint, omni tempore variis in corpore locis, ad liberanda a materie morbifica organa vitalia, poterint applicari. Enemata quoque pro re nata copiofa poterint injici, quamvis & hæc aliquando in Epidemia *a. 1674.* contraindicata fuiiffe referat SYDENHAM, & SCRINCI *l. c.* itidem illorum copiofum ufum in Gallis taxet. Prudentis Medici

Medici semper erit ita suam methodum curat oriam ordinare, ut perspectis epidemiæ genio, pensitatis morbi, symptomatumque gradu, ægrique viribus, talia præscribat, a quibus debitus & exoptatus semper obtineatur effectus, nec a præpostera adhibitione medicamentorum morbus augeatur aut plane lethalis evadat.

§. XVI.

Alteram indicationem cūræ nostræ fecimus virium dejectarum excitationem & sustentationem. Hanc præter ea §. præc. laudata, convenienter exhibita, præstabunt Cardiacæ leniter stimulantia, subacida, Vina generosiora vetusta, Aceta aromatica, Rutæ, Sambuci, Squilliticum & celebre illud quatuor Latronum PHARMACOPOEÆ PARISINÆ p. 26. succi & gelatinæ ex fructibus horræis acidis, nec non Syrupi & Roob exinde parati, Spiritus itidem Vitrioli dulcis & quæ sunt hujus generis alia. Præcipuum autem hic locum sibi vindicat celebratus contra putredines particulares, quidni & in universalibus Divinus Cortex a MORTON, TORTI, SYDENHAM, HUXHAM, VAN SWIETEN, PRINGLE ll. cc. cujus virtutem antisepticam & cardiacam fideli experientia eaque felicissima, foliisque rationibus firmarunt, recentissime adhuc DE HAEN l. c. & HUXHAM, omni non tempore febris malignæ non exhibendus commodissime methodo HUXHAM *Essay ou fevres chap. 8. p. 123.* ejus Uncias duas cum Spiritus Vini Gallici Unciis XX. infundendo, hujusque drachmam unam ad unciam semis usque, a quatuor, sex, octo horis, cum 15. aut 20. guttis Elixir Vitrioli propinando in conveniente vehiculo. Nec est, quod quidam funestas inde obstructions generari timeant: tantus observationum in contrarium numerus illos circa hæc securos esse jubet; imo STOERCK l. c. sanguinem eorum, qui eo per tempus jam usi fuerant, e vena secta missum minime compactum, inspissatum, e contra rutilum tenuem,

nuem, post horam in multum serum & exiguam, levis consistentiæ placentam abire vidit.

§. XVII.

Symptomatum mitigationem ita instituet prudens Medicus, ut semper eadem habito respectu ad morbum primum, aut profligare, aut imminuere tentet. Plurimis ex iisdem succurrimus jam eis, quæ §§is præced. dicta & laudata fuere. Sic virium prostrationi enarratis cardiacis, externe etiam in majori fomentis vinosis hinc inde applicatis; Delirio, agrypniæ, comati, convulsionibus, aphonæ, subsaltibus, epispasticis, enematibus, Camphora: affectibus catarrhalibus præcipue tussi, si ea urgeat, Oxymelle squillitico, Kermes minerali, nec non aliis paregoricis. Si hacce methodo morbus jam profligatus, aut sane multum imminutus fuerit, tunc apparentibus in Urina signis coctionis ad materiæ morbificæ plenariam eliminationem facilitandam lenia Laxantia, Rhabarbarino-Mannata, Tamarindinata præcipue & Cassiata exhibemus, continuato ad partes debilitatas roborandas Corticis Peruviani cum Extractis amaris usu sub diætâ refrigerante, Antalcalina, vegetabili magis quam animali. Ægris & perbene quoniam quam maxime extenuantur, si ab hoc morbo convalescunt, usus Aquarum mineralium Martialis indolis cum Lacte, aut Decoctum hordei cum Lacte, nec non ipsum Serum Lactis & Juscula medicata confortantia cum herbis antiscorbuticis & refrigerantibus concedi poterit, & sic quartus quoque scopus adimpleri. Post superatas petechias remanentem in quibusdam auditus gravitatem, visus imbecillitatem, amaurosin, tumorem album, mollem faciei, vesicantibus nuchæ adpositis alterno die exhibitis drasticeis, feliciter curavit, subjuncto cortice iterum & diætâ reficiente, STOERCK l. c. p. 7. § 56. IDEM & hunc morbum secutos sudores nocturnos diætâ reficiente & decocto

Salviæ

Salviæ; aut scabiem pruriginosam, uno vel altero purgante & decocto radicis Bardanæ copiose hausto sustulit, *ibid.*

§. XVIII.

Methodum prophylacticam febris nostræ præter eos, qui vel in genere prophylaxin morborum contagiosorum tradiderunt, vel de nostro ex professo egerunt, in specie dedere, RHUMEL *prophylaxe luis epidemica ἐν κεφαλαιότητι*, PORTIUS *de Militis in castris sanitate tuenda P. IV. Cap. 4. p. 166. & sqq.* Glasers nützliches Verhalten bey der jeko in Deutschland regierenden Fleckfieber-Geuche um sie zu verhüten und wieder zu dämpfen. Omnes in eo conveniunt sollicitè omne commercium cum locis affectis evitandum esse, aërem purificandum per ignes hinc inde accensos, quibus injicienda Nitrum, Sal commune, & acetum; item Pulverem Pyrium & Sulphur accendendo, in conclavibus vero fumos ex variis speciebus aromaticis: ædes præterea aut saltem conclavia versus austrum sitas, nec non omnia loca foetida, latrinas, cloacas fugiendo, salivam, si in loco affecto versare coacti fuerimus, exspuendo frequentius, naresque mungendo, in genere deinceps quoad Diætam juxta illud SCHOLÆ SALERNITANÆ

Medici tibi sunt

Hæc tria: mens hilaris, requies, moderata diæta.

Animi enim tranquillitatem hic multum facere nemo non perspicit. Diæta tenuis subacida, nec Baccho nec Veneri nimis indulgendo, juxta proverbium: *Niemals nüchtern, niemals voll, thut in Sterbensläuften wohl.* Omnes quoque excretiones liberæ ferventur præcipue fudor & alvus, ne tamen & hic quid nimis. Medicamenta scopo huic inservientia optima sunt, iterum Aceta illa aromatica supra jam laudata mane ad cochlear unum vel alterum præcipue *le Vinaigre des quatre voleurs & le Vinaigre Romain*, quorum prior vel ab hoc ejus usu, cum latrones a peste Massiliensi sese præcave-

præcaverint, nomen accepit. In hunc finem alii quoque Fumum Tabaci fugunt, alii iterum Pastillos, Trochiscos aromaticos manducant. Instar fere omnium vero & hic iterum esse poterit jam supra laudatus Cortex Peruvianus cuius & in præcavenda epidemia virtutem agnoscerunt, DE HAEN & TRALLES ll. cc. *nec non Meth. Med. variolis hætenus cognita sæpe insufficiente.* Quæ alii laudant specifica, Amuleta & quæ sunt hujus generis alia, nullam merentur fidem. Hæc B. L. nunc sunt, quæ de Petechialibus Febribus monenda censui: si tumultuarie nimis conscriptas, rudique calamo exceptas hæc pagellas, mancas hinc inde minusque concinne adordinatas, inveneris, id festinantissimo calamo & tenuis ingenii viribus condones, rogo.

T A N T U M !

